

(سلسلة كن صحابياً_الدرس الرابع) الشيخ أحمد جلال،الأحد 12-

5102-6

أحمد جلال

السلام عليكم ورحمة الله وبركاته. اعوذ بالله السميع العليم من الشيطان الرجيم بسم الله الرحمن الرحيم. الحمد لله رب العالمين والصلاة والسلام على اشرف المرسلين سيدنا محمد وعلى اله وصحبه ومن تبعهم باحسان الى يوم الدين اما بعد - [00:00:00](#)

اليوم باذن الله تبارك وتعالى مع الصحابي الثاني صحابة النبي صلى الله عليه وسلم. طبعاً من حيث الحديث عنهم يعني. آآ اه بس انا عايز اكد معكم على جزئية مهمة. ان الله سبحانه وتعالى ما اعلى قدر الصحابة الا في الوقت - [00:00:20](#)

الذي تمسك فيه الصحابة بمجموعة من القيم. لما تمسكوا بها وامنوا بها وسعوا من اجلها. كانت النتيجة ان ربنا عز وجل رفع من قدرهم جدا رفع من شأنهم جدا آآ اعزهم جدا فضلهم على كل الخلق بعض الانبياء والمرسلين. احنا النهاردة هنتكلم على قيمة من اعظم القيم اللي لازم اي - [00:00:40](#)

مسلم يتمسك بها قيمة النهاردة هي قيمة حب الحق. والبحث عن الحق. قيمة الايمان بفكرة. انا اؤمن في فكرة ان لازم اتمسك بالحق واسعى لهذا الحق واطبق هذا الحق. ومن اعلى الصحابة ممن تمسك بهذه القيمة قيمة الايمان بالفكر - [00:01:00](#)

فكرة هو سلمان الفارسي رضي الله عنه. سلمان الفارسي رضي الله عنه. آآ النهاردة هنقف بس مع وقفة اسلام سلمان الفارسي. سلمان الفارسي اسلم ازاى؟ امن ازاى؟ قصة اسلامه بس. وهنشوف قد ايه فعلاً ان قصة اسلام اسلام - [00:01:20](#)

سلمان الفيضلي من اولها لآخرها هي بتدور حوالين فكرة واحدة. او حوالين قيمة واحدة او معنى واحد. الايمان بالفكرة في الدرج تعالوا بس من البداية زي ما خدنا ابو طلحة الانصاري خدنا اسمه نعرف اولاً اسم سلمان الفارسي مين اللي يعرف يقول لي اسم سلمان الفارسي - [00:01:40](#)

سلمان ابن فلان ابن فلان. مصري. بعيد ليه؟ ما تقرب بعيد ليه يا محمد؟ حاضر وقفة قرب. ها؟ سلمان الفارسي اسمه ايه؟ راجع اي مصدر المصادر الكتب اللي متعلقة بترجمة الصحابة. لن تجد له أسماء الا سلمان بن الاسلام. بس - [00:02:00](#)

ودي اول قيمة يعني مع القيمة الصيغ قيمة الايمان بالحق والسعي لتنفيذ هذا الحق والعمل بهذا الحق خد معك القيمة الفرعية دي. ان الانسان حقيقة نسبك بالتزامك بدينك. قيمتك وقدرتك بالتزامك بدينك - [00:02:30](#)

مش بعيلتك مش بفلوسك مش بمكانتك مش بوضعك. قال النبي صلى الله عليه وسلم انه قد اوحى الي ان رجلاً من بني اسرائيل قال احدهما لآخر انا فلان ابن فلان ابن فلان. حتى عدت تسعة. فمن انت لا ام لك؟ انت مين انت؟ فقال انا - [00:02:50](#)

فلان ابن فلان ابن الاسلام. فاوحى الله الى موسى يا موسى اخبر هذا الذي انتسب الى تسعة انهم في النار وهو عاشرهم وان هذا الذي انتسب انتسب الى رجلين ثم الى الاسلام انهما في الجنة وهو ثالثهم. القيمة العظيمة لك عند ربنا عز وجل - [00:03:10](#)

ما بتكونش بفلوس. ما بتكونش بمكانة. ما بتكونش بوسامة. القيمة الحقيقية لك عند ربنا عز وجل بدينك. بالتزامك باخلاقك التزامك بالقيم هو سلمان ابن الاسلام ابو عبدالله الفارسي سابق الفرس الى الاسلام. قصة اسلامه في قمة - [00:03:30](#)

عجب قصة اسلامه في قمة العجب. وده تدل على قيمة مهمة جداً ان لازم كل واحد انا الدرس النهاردة وبكرة بعد يعني ورشة العمل اللي هتكون بعد بكرة ان شاء الله متعلقة بالامر ده. انت يا ابني ازاى تؤمن بفكرك. يوم ما كنا - [00:03:50](#)

نبني المسجد هنا كل اللي حواليا عمال يكسر في مقاديفي بس انا شايف الناس بتتأذى جداً في رمضان بتتأذى جداً في الجمعة

بتأزى جدا في الدروس المسجد كل اللي حواليك او اغلب اللي حواليك بيكسر في مديفك. انا امنت بفكرة لازم نوسع المسجد.

المسجد اتوسع بفضل الله عز وجل - 00:04:10

المسجد اتوسع بفضل الله عز وجل. حبينا نعمل حضانة خيرية. حضانة خيرية على الاقل على الاقل تتكلف لها مسلا تقريبا حوالي ست ميت سبعميت الف جنيه ده غير تمن الشقة. هتجيب منين المبلغ ده؟ ولكن الحمد لله الحمد لك الحمد. امنت بفكرة من قيمة كم يوم كنا

بنفتتح الحضانة - 00:04:30

محمد الموصل بيصور. امن بفكرة توصل لها يقينا كل انسان مننا سيؤمن بفكرة وتصبح بتجري في دمه وفي قلبه وفي كيانه وفي عقله على قدر ايمانك بالفكرة ربنا عز وجل بيحقق لك ما اردت. ده مجمل ما امن به - 00:04:50

سلمان الفارسي. سلمان الفارسي واحد بيوصل للحق. تعالوا مع بعض نشوف سبب سلمان الفارسي. روى ابن عباس رضي الله عنهما قال حدثني سلمان سلمان اللي بيقول له بقى قال كنت رجلا فارسيا من اهل اصبهان من قرية يقال له يقال لها جي. اصبهان في ايران

- 00:05:10

اصبحت ايران. يبقى سلمان اصلا اتولد فين؟ انا باركز في اسماء البلاد علشان هاوريكم رحلة الوصول للحق بتوصل ازاى؟ يبقى

سلمان كان منين؟ من ايران من قرية من مدينة اسمها اصبهان. قال وكان ابي دهقانا - 00:05:30

كلمة بتقال على من وصل الى اعلى مركز سياسي واعلى مركز ديني واعلى مركز مادي يبقى سلمان كان واحد فقير ولا كان واحد

غني؟ ده واحد ابوه آآ رئيس البلد دينيا سياسيا - 00:05:50

واكثر اهل البلد ايه؟ ماديا. يبقى اذا سلمان اتربى في بيئة مرفهة. ده واحد بيميل للدعى بيميل للرفاهية. بيميل للنوم للتكبير الدماغ

ده ابوه ايه؟ حاجة ضخمة جدا ابوه مسلا هو رئيس البلد دي او المحافظ بتاع البلد دي ابوه راجل - 00:06:10

كبير جدا في البلد دي وعنده فلوس كتير جدا. قال وكنت احب خلق الله ايه. فمعنى ان سلمان احب واحد يبقى سلمان كان الفتى

الثري الايه؟ المدلل. الدلوعة على رواية حسين. على رواية الدكتور محمود آآ المدلل - 00:06:30

قال فلم يزل بي حبه اياي حتى حبسني في بيته كما تحبس الجارية. يبقى كان بحب بيجبه اوي وخايف جدا جدا جدا. قال فاجتهدت

في المجوسية. احنا بنحلل شخصية سلمان. يبقى سلمان الان واحد ثري جدا غني جدا. الدلوعة - 00:06:50

ابوه جدا جدا جدا. الحاجة الثالثة قال فاجتهدت في المجوسية حتى كنت قاطن النار الذي يوقدها لا يتركها تخبو ساعة يبقى برضو

سلمان شخصية قيادية شخصية ما شاء الله متدينة بذاتها نشأ في بيئة مجوسية فهو حب ديانتته - 00:07:10

جدا وسبحان الله من كتر اجتهاده وتدينه والتزامه بدينه اصبح هو قاتل النار اللي هو يعتبر من اعلى المناصب الدينية في فارس اللي

هو المسئول عن ايقاد النار. النار لا تخبو يعني تطفأ ساعة واحدة بس. قال وكانت لابي ضيعة عظيمة ضيعة يعني اراضي - 00:07:30

وحاجات من كده يعني. قال فشغل في بنيان له يوما كان بيبني حطة بيت كده يبقى فيه اراضي زراعية فيها محاصيل زراعية واموال

وحاجات من كده وكان ابوه برضه بيبني بيت كبير فشغل بالبنيان يوما فقال لي يا بني اني قد شغلت في بنياني هذا عن ضيعتي -

00:07:50

اذهب فاطلعهها. رح انا عايزك تروح تشوف ايه ها تشوف انت تتابع بقى العمال والانفار والكلام ده. قال وامرني ببعض ما يريد فرشت

ثم قال لا تحتبس علي فانك ان احتبست علي كنت اهم الي من ضيعتي. يا ابني اوعى تتأخر. انت عندي بالنسبة لي اهم من الايه -

00:08:10

من الاراضي والثمار والزروع انت اهم عندي من دول كلهم. وعن كل شيء من امري. فخرجت اريد ضيعتته وانا ماشي في الطريق في

مررت بكنيصة من كنائس النصارى. فسمعت اصواتهم فيها وهم يصلون. وكنت لا ادري ما امر - 00:08:30

الناس بحبس ابي اياياي في بيته. ابويا من كتر ما هو كان بيجبني في البيت انا ما كنتش ما كنتش اعرف ايه دول. اول مرة يخرج

فعدى على كنيصة من كنائس النصارى فدخل عليهم. قال فمررت بهم وسمعت اصواتهم دخلت اليهم انظر ماذا يصنعون. فلما رأيتهم -

00:08:50

ناس بقى ما شاء الله قلوبهم كانت خاشعة. كان الدين الحق لحد هنا موجود لان النبي ما كانش لسه ظهر. آآ الحق موجود والدين موجود. ما شاء الله ناس بتصلي اصواتها في الترانيم جميلة. اول مرة سلمان الفارسي يشوف حاجة زي كده. آآ ترانيمهم في صلاة جميلة. اصواتهم حلوة. الناس عمالة - [00:09:10](#)

اية عياط غير طبيعي ورغبت في امرهم. انا لما شفت كده قلت لا يمكن ابدًا واحد بيعيط بهذه الصورة. وصلاتهم جميلة بالصورة دي لا يمكن ابدًا يكونوا يكون يعني الحق خلاف الدين ده. قال وقلت والله هذا والله خير من الدين الذي نحن فيه. وده - [00:09:30](#)
ان حاجتين خدوا فايدتين كده. القيمة الاولانية ان ربنا عز وجل ما ببسبش حد ابدًا يضل والله. بل ربنا سبحانه وتعالى من رحمته ورأفته بنا لانه الهادي. كل يوم بيعت لك رسالة. يقول لك تعال الحق هنا. الرسالة اللي بعثها لسلمان - [00:09:50](#)

اللي بعثها لسلمان ان انت لازم تعدي على ان والدك يتشغل في بنى البيت فانت لازم تعدي في المكان ده فتشوف النصارى وهم بيعبدوا ربنا فيوقع فيقع في قلبك انه هدى الحق. زي ما في يوم من الايام تكون ماشي في طريق غلط. فربنا عز وجل بيتليك بمرض. المرض ده كان رسالة من ربنا عز وجل - [00:10:10](#)

يا ابني خد بالك انك ممكن في لحظة تسبب الدنيا. ان يكون في حد عزيز بالنسبة لك يموت. فلما يموت ربنا يقول لك خد بالك انك ممكن في لحظة من - [00:10:30](#)

لحظات تترك الدنيا في السعيد منّا اللي يخرج من الدنيا وهو كويس. كل واحد منّا ربنا عز وجل بيعت له رسالة والسعيد اللي يفهم رسالة ربنا له. الفضيل ابن عياض - [00:10:40](#)

كان حرامي قاطع طريق الناس كانت بتخاف منه جدا. في يوم من الايام طالع علشان يسرق قافلة. سمع واحد فيهم بيقرا قول الله عز وجل الم يأن للذين امنوا ان تخشع قلوبهم لذكر الله. الفضيل ابن عياط فهم رسالة ربنا بسرعة. رجع وبقى عابد الحرمين. بس لما قدر يفهم رسالة ربنا له. ما لك - [00:10:50](#)

دينار يقول الذهبي عنه كان لا يفريق من سكره. الراجل ده ما كانش بيفوق من الخمرة. ماتت له بنت فنام مشغولا بها. بعد ما ماتت نام قام نام بقى وهو متضايق جدا فرأى في منامه انه يجري ومن ورائه ثعبان عظيم. هو يجري والثعبان وراه يجري - [00:11:10](#)
والثعبان وراه يجري والثعبان وراه. قال حتى وصلت الى اعلى جبل من تحته النار. حاجة من اتنين يا الثعبان ياكلني يا اما ايه اللي يحصل؟ اقع في النار فقامت فزعا فسألت عنها فقال لي اهل التأويل يا مالك اما الثعبان فهو عملك. الثعبان الكبير ده ده عملك -

[00:11:30](#)

والنار دي آآ عملك بيدفعك دفع انك تخش النار. فتاب مالك واناب مالك واصبح مالك امام من ائمة الزهد والورع والدين فضل العلم بشر ابن الحارث بشر ابن الحارث شوفتوا الرسالة اللي جاية من من ربنا عز وجل لملك ابن دينار كانت عبارة عن ايه؟ عن حلم شافه رؤيا شافها - [00:11:50](#)

سيدنا بشر بن الحارث كان شاب زينا كل يوم بالليل يجيب بقى البنات والمغنيات والجواري واصحابه ويقضوا ليلة انس جميلة في بيتهم. يغنوا ويرقصوا ومش عارف ايه. لحد ما في يوم من الايام عابد من العباد عدى على بيت بش ابن الحارث. فخطب بعد ما سمع الموسيقى واللهو والحاجات اللي - [00:12:10](#)

لا ترضي الله. فخطب فييسأل صاحب هذا البيت حر ام عبد؟ فالجارية اللي فاتحت قالت له لأ ده حر طبعًا. ملك بشر ابن حارس الكلمة اثرت فيه جدا. فطلع يجري ورا الراجل فيقول له اعد علي ما قلت؟ قال صاحب هذا البيت حر ابعد. فقالت - [00:12:30](#)
في حر فقلت لها صدقتي لو كان عبدا لاستعمل ادب العبودية مع ربه لو كان عبدا لاستعمل ادب العبودية مع ربه. مشي ان الحارس جري حافي. لقب بعد ذلك ببشر الحافي. وكان الامام - [00:12:50](#)

احمد رحمة الله شوفوا امام احمد امام اهل السنة العالم ده كان الامام احمد رحمة الله عليه يقولوا له يا امام ما الورع؟ فقال سبحان الله هذا زمان سوء السأل عن الورع وفيكم بشر؟ بشر ابن الحارث يعني انت عارف مسلا لما يكون مسلا امام كبير جدا - [00:13:10](#)
من ائمة المسلمين مسلا مسلا الشيخ السديس بيصلي معنا هنا وواحد بيقول لي خش صلي. قال له انا اخش اصلي وامام الحرم

موجود اصلا ايه يا ابني انت بتتكلم ازاي! فتخيل لما الامام احمد نفسه يقول أسأل عن الورع فيكم بشر؟ بشر قدر يفهم الرسالة اللي ربنا سبحانه وتعالى بعثها له بس - [00:13:30](#)

كلمة واحد في يوم من الايام انت معدي على مسجد دخلت تصلي العصر. واحد قال كلمة حسيت ان الكلمة دي رايحة لك. ايه الرسالة اللي ربنا بعثها لك رسالة ان ربنا بعثها لسمان الفارسي ان والده ينشغل في يوم من الايام ببونا بيته ويقول له رح انت الارض رغم ان والده من طبيعته اصلا انه دايم عامل ايه مع سلمان؟ حابسه هو - [00:13:50](#)

ولكن شف ربنا عز وجل لما بيحب يهدي انسان ما كان الله ليضل قوما بعد اذ هدهم حتى يبين لهم ايه؟ ما يتقون. لازم ربنا ربنا يبين لك وللازم ربنا بيعت لك رسالة لانه سمى نفسه الهادي. واحد بيشوف رسالة يقرأها صح يلتزم ويبقى كويس واحد يفضل على عناده - [00:14:10](#)

وما يقرارش الرسالة في فضل على ضلال والعياذ بالله. قال فوالله ما تركتهم حتى غربت الشمس. وتركت ضيعة ابي ولم اتها فقلت لهم اين اصل هذا الدين؟ اصل الدين ده فين؟ اصل بلاد فارس اصلا مجوسية. انتم قلة - [00:14:30](#)

اصل الدين ده فين؟ فقالوا بالشام. ثم رجعت الى ابي وقد بعث في طلبي. ابي بعد انا اتأخرت جدا ما هو قاعد معهم لحد المغرب قعد يدور عليه وقد بعث في طلبه وشغله وشغلته عن عمله كله. فلما جئته قال يا بني اين كنت؟ الم اكن عهدت اليك مع - [00:14:50](#)

اهت قلت يا ابتي مررت بناس في كنيسة لهم فاعجبني ما رأيت من دينهم فوالله ما زلت عندهم حتى غربة الشمس يبقى دي تدينا برضو معنى مهم جدا ان سلمان الفارسي كان انسان ايه؟ احسنت صادق وشجاع. انه يتكلم بالحق لانه شاف الحق - [00:15:10](#)

شاف الحق جهر به. الحق كان هنا. الحق كان هنا. فشاف الحق فكان صادق وكان شجاع. شوفوا القيم علشان نقدر نقول دي شخصية سلمان الفارسي رضي الله عنه. فقال فقال لي كلا والله كلا والله دين اباك ودين - [00:15:30](#)

خير منه. قلت كلا والله يا ابتي انه لخير من ديننا. قال فخافني خاف ان هو ان انا اهرب فقيدني في رجلي بقيد ثم حبسني في بيته. اي انسان بيعد خطوة للطريق الصح لازم هيلاقى عقبات - [00:15:50](#)

مش لازم العقوبات اب يحط القيد في رجليه. ولكن ممكن واحد في رمضان التزم. بس هو قبل رمضان كان ماشي مع بنت. وكانت العقبة الوحيدة اللي في طريقه ربنا عز وجل البنت دي. ما هو ده القيد. ممكن يا ترى تكون زي سلمان وتفك القيد وتتحرك للحق؟

ممكن زمان انا المشكلة اللي - [00:16:10](#)

عندي قبل الالتزام السجاير وهي اللي واقفة في طريق ديني وقربي من ربنا عز وجل. ما هو ده القيد. ممكن تسببه؟ القيود كتير.

والاغلال كتير القيد والغل اللي اتحط في قدم سلمان الفارسي قيود وسلاسل من حديد. قال - [00:16:30](#)

وبعثت الى النصرى. سلمان برضه شوفوا تمسكه بالحق. ايمانه بالفكرة اللي هو عايزها. قال وبعثت الى النصرى. فقلت اذا قدم عليكم ركب من الشام تجار من النصرى فاخبروني بهم. لما ييجوا ده ده سلمان خلاص سلمان هو اصلا لايمانه بالفكرة خد قرار انه هيسيب له

- [00:16:50](#)

هيسيب الغنى هيسيب الثراء. هيسيب الجاه. هيسيب الرفاهية. هيسيب ده كله وهيروح فين على الشام. قال فاخبروني بهم فقلت اذا قضوا حوائجهم وارادوا الرجعة فاخبروني. لما يخلصوا حاجتهم خالص ترجعوا للشام عرفوني. قال ففعلوا فالقيت الحديد من رجلي.

فك القيود ثم خرجت معهم حتى قدمت الشام. هو سهل - [00:17:10](#)

كده انت هتروح الشام معكش فلوس ولكن هي دي شأن الهجرة الى الله سبحانه وتعالى اللي بيؤمن بفكرة ويكون صادق في ايمانه ممكن يبذل من اجلها اي حاجة. ممكن يضحي باي حاجة. يضحي بالبنت اللي بيجها. او ممكن من ايام يكون في - [00:17:40](#)

شغل المال اللي فيه حرام اصلا. واحد شغال في بنك ربوي. شغال في بنك حرام. وهو عارف ان هو حرام وعارف انه ما يرضيش ربنا. بس انت ممكن تفك القيد - [00:18:00](#)

اسهل حاجة عند سلمان قال انا فكيت القيد وانطلقت. المسألة انتهت. الحاجة الحرام اللي هتبعديني عن ربنا انا هفكها. مش مش هستحمل في يوم من الايام قيد من القيود ايدني. قال سلمان رضي الله عنه قال ففعلوا فالقيت الحديد من رجلي ثم خرجت معهم

حتى قدمت الشام. فلما قدمتها قلت - 00:18:10

من افضل هذا الدين؟ ده واحد فعلا اللي بيبقى عايز يؤمن بفكر حقيقة بيدور على الخبرة. مين افضل واحد دينا في المكان ده انا عايز اؤمن افضل امام. مين افضل مسجد بيصلي التراويح؟ مين افضل واحد بيدى دروس؟ مين افضل واحد متدين؟ انا عايز اكون معه في - 00:18:30

مين احسن واحد من صاحبنا كويس وقريب من ربنا انا عايز التزم معه وابقى قريب منه اكون معه في المساجد. مين؟ شفت سلمان لما امن بفكرة رايح فين؟ انسان ذكي جدا جدا. قال فقالوا الاسقف الذي في الكنيسة. قال فجئته فقلت له اني رغبت في هذا الدين - 00:18:50

واحبيت ان اكون معك اخدمك في كنيستك واتعلم منك واصلي معك. هو بيقول له انا ايه احبيت ان اكون معك ايه؟ اخدمك. ابني الرئيس هيبقى خدام ابن اغنى اغنياء ايران بيبقى خدام؟ الراجل اللي كان مجتهد جدا في المجوسية هيبقى خدام - 00:19:10
اوه ما هو امل بفكرة. ما هو امن بفكرة. خدني خدامة عندك. بس تعلمني. خدني خدام عندك عشان عايز اصلي معك. خدني خدام عندك عشان انا عايز ابقى حاجة كبيرة جدا جدا في دين النصارى - 00:19:40

قال فدخلت معه ولكنه للاسف كان رجل سوء خد بالك انك في طريق تدينك ممكن يوسف ييجي يتعرف علي. ويقول لي انا عايز اكون انسان صالح ومتدين وابقى معكم في المسجد. بس يفاجأ يوسف - 00:20:00
شف بعد كده ان انا واحد كنت بتاجر بالدين. فتكون النتيجة يا عم ده شوية كذابين ده شوية مش عارف ايه ده شوية ايه سيبك منهم ويرجع يوسف لما كان عليه لأ يا ابني لأ يا ابني احنا ما بنرتبطش باشخاص. احنا بنرتبط بالحق. احنا بنرتبط - 00:20:20

دين في يوم من الايام انا اول ناس التزمت معهم اول ناس التزمت معهم بعد فترة تبين لي ان هم اسفل من ان عرفت في حياتي انتكس وابتعد عن دين ابتعد عن الحق انا ما كنتش يعني كنت مقصر في الصلاة شوية. الحمد لله - 00:20:40
اصلي وبدأت اقرأ قرآن واحفظ قرآن وبدأت اصلي قيام ليل وبدأت اذكر ربنا. اسيب ده كله لان الشخص اللي قال لي تعال التزم معنا وخليك انسان كويس. طلع انسان قليل الادب اصلا مش كويس؟ لا لا لأ. انا ما بارتبطش بشخص. انا بارتبط بربنا وده اللي سيدنا ابو بكر قال للصحابه يوم ما النبي مات. قال لهم - 00:21:00

اللي بيعبد محمد؟ محمد مات صلى الله عليه وسلم. احنا ما بنرتبطش باشخاص. ومن كان يعبد الله فان الله حين يموت. طبعا انا ما بتكلمش على النبي. النبي طبعا احنا بنرتبط - 00:21:20

كشخص لانه نبي لنا معصوم. طب ومن بعد ذلك؟ واللي بعد كده؟ لأ العصمة اندفنت مع النبي صلى الله عليه وسلم. فاحنا اصبح ارتباطنا بايه؟ بالدين اللي جابه النبي صلى الله عليه وسلم. بالقرآن اللي جابه اللي انزل على النبي صلى الله عليه وسلم. ارتباطنا بسنة النبي صلى الله عليه وسلم. لو في يوم - 00:21:30

من الايام قالوا لك ده الشيخ الفلاني الفلاني مش عارف كان ايه. احنا ما لنا هو حر. ده دينه. هو باع دينه. احنا ما لنا؟ انا متمسك بديني. قال رجل سوء يأمرهم بالصدقة ويرغبهم فيها. فاذا جمعوا اليه منها شيئا اكترته لنفسه. يجمع - 00:21:50

فلوس قل لهم الصدقات وفعل الخير ومش عارف ايه. واول ما يجمع الاموال الكثيرة جدا من معهم اول حاجة يعملها يعملها ايه؟ ياخذها لنفسه. ولم يعطها المساكين حتى جمع اسمع من ذلك سبع قلال من ذهب. سبع قلال حاجة بيراميل كده. سبع قلال من ذهب وورق. فابغضته بغضا شديدا لما رأيته يصنع - 00:22:10

ثم مات فاجتمعت اليه النصارى ليدفنوه. سيدنا سلمان شافهم بقى ايه؟ زعلانين قوي على الراجل ده وان هو مش عارف عايزين يعملوا له يوم عيد على جسته كنيسة كعادة النصارى فقال فقلت لهم ان هذا رجل سوء. الراجل ده اصلا راجل سوء. كان يأمركم بالصدقة - 00:22:30

ويرغبكم فيها حتى اذا جئتموه بصدقة اخذها لنفسه. ولم يعطي المساكين منها شيئا. واريتهم موضع كنزه سبع مملوءة فلما رأوها قالوا والله لا ندفنه ابدًا. فصلبوه ثم رجموه بالحجارة. كل انسان بيتاجر بالدين - 00:22:50

لمصلحة شخصية يحتاج الرجم. كل انسان في يوم من الايام يظهر لنا الدين في شيء وهو من ابعد الناس عن هذا الدين وهو عبء على هذا الدين يحتاج الرجم. فصلبوه ثم رموه بالحجارة. انا اقصد الرجم مش ان احنا نقتله. عشان بس الكلام - [00:23:10](#)
ما يروحش بعيد. الاقصد احنا نبعد عنه اصلا. واهجرني مليا. قال لارجمنك واهجرني مليه يا ابراهيم لئن لم تنته. لارجمنك واهجرني لارجمنك هنا اي لارجمنك ايه؟ سب. قال فما قال ثم جاءوا برجل - [00:23:30](#)

جعلوه مكانة جاءوا باسقف ثاني جعلوه مكانه. فما رأيت رجلا آ افضل منه قط ازهد في الدنيا ولا ارجب في الآخرة ولا ادأب ليلا ونهارا منه. راجل ما شاء الله زاهد في الدنيا جدا محب للآخرة جدا مقبل على الآخرة جدا. الراجل ده ما شاء الله لا قوة الا بالله كان حاجة جميلة - [00:23:50](#)

جدا جدا في طاعته وعبادته يواصل الليل والنهار طاعة وعبادة؟ قال ما اعلمني احببت شيئا قط قبله مثل حبه فلم ازل معه حتى حضرت الوفاة. فقلت يا فلان انه قد حضر كما ترى من امر الله. واني والله ما احببت شيئا قط حبك. فماذا - [00:24:10](#)
تأمرني والى من توصيني. فقال يا بني والله ما اعلمه الا رجلا بالموصل الرحلة الاولانية خرج من من ايران راح فين؟ راح الشام. الشام اللي هي سوريا وفلسطين طلع من فلسطين الان هيروح فين؟ الموصل دي فين؟ يبقى الرحلة الاولانية من الايران للشام كل ده عشان يوصل للحق. قابلته - [00:24:30](#)

الراجل السوء راجل يديني السوق ما التفتش له. راح فضل صابر ومتمسك بالفكرة اللي هو مؤمن بها عايز يوصل للحق. بعد من الشام هيروح فين؟ راح الموصل. قال فلما مات وغيب لحقه بالموصل فاتيت صاحبها فوجدته على - [00:25:00](#)
الحالي من الاجتهاد والزهد. وده يدلنا ان كل فئة من الناس فيها الخير وفيها الشر. حتى الدعاة حتى المشايخ فيهم الخير وفيهم الشر. لو ظهر هي في يوم من الايام عالم سوء حظه وراء ظهره. فيه خير فيه ناس كويسة. قال فقلت له ان فلان اوصاني اليك - [00:25:20](#)

ان اتيك وان اكون معك قال فاقم عندي يا بني فاقمت عنده على مثل ما كان من امر صاحبه حتى حضرته الوفاة فقلت له ان فلانا اوصى بي اليك وقد حضرك من امر الله ما ترى. فالى من توصيني؟ قال والله ما اعلم اي بني - [00:25:40](#)
احدا الا رجلا بنصيبين. نصيبين دي حنة في بلاد الاردن. من ايران فلسطين من فلسطين للعراق من العراق للاردن. كل ده لانه بيؤمن بفكرة بيضحى علشانها قال فلما دفناه لحقت باخر بالآخر فاقمت عنده كان على مثل حالهم. ازهد في الدنيا ارجب في الآخرة. دائم العمل بالليل - [00:26:00](#)

قال فلما حضرته الوفاة زهروا ما كانوا كبار في السن جدا. فكان كل ما يوصل لحد يكون يدل ان هم كبار في السن جدا ان هم كانوا معروفين عند بعض. كانوا اعداد قلائل جدا. يقول له انا ما اعرفش حد في العراق كلها الا واحد. وده دليل على ان التحريف وصل في الدين - [00:26:30](#)

ده لدرجة كبيرة جدا. انا ما اعرفش في الشام الا واحد. انا ما اعرفش في الاردن الا واحد. متخيل! بقت كل بلد كبيرة ليس فيها الا رجل واحد بس على الحق بس. وعجوز كمان. كل اللي جاب بعد كده حر - [00:26:50](#)

وغير وبديل يا نهار ابيض! ايه ده! ايه ده! قال فلحقت به فلما اقامت عنده على مثل حالهم حتى الموت فاوصى بي الى رجل من اهل عمورية عمورية دي بقى فين؟ في تركيا - [00:27:10](#)

قال انني لا اعلم احدا على اهل الارض على مثل ما نحن عليه الا رجل بعمورية. يا نهار ابيض! هيطلع من الاردن يطلع يروح تركيا شوفتوا اللي بيحب الحق ويبسعى للحق ممكن يعمل ايه شوفتوا اللي حب قيام الليل ممكن يقف - [00:27:30](#)
هو لا يكتفي اصلا بمسجد بجزء ده بيروح بيته بيكمل. شفتهم اللي بيحب القرآن لا يكتفي بشيخ او اثنين او ثلاثة بيحب الحق يطلع من ايران على فلسطين من فلسطين على العراق من العراق للاردن - [00:27:50](#)

ان الاردن لتركيا مش شخصية سلمان الفارسي الفتى المدلل المترفه الكلام ده اللي يعمل ده كله ولكن هي مسألة بالفكرة. انت امننت بفكرة هتبذل من اجلها. هتضحى علشانها. قال فاتيته رحت - [00:28:10](#)

فاتيته على مثل حالهم ارغب في الدنيا ازهب في الدنيا ارغب في الآخرة يدأب عمل الليل بالنهار واكتسبت حتى كان لي غنيم وبخيرات. آآ سيدنا سلمان الفارسي رضي الله عنه بقى ما شاء الله حريص بقى على اللاتين. بقى يشتغل معه طول الليل عبادة وطاعة وقرب من الله. والصبح بيقول انا بدأت - [00:28:30](#)

اشتغل لدرجة ان انا بقى عندي ايه شوية اغنام بسيطة كده وشوية بقر. يبقى اذا آآ بالنهار شغال شغل بالنار عشان يجمع في شوية فلوس ما هي الرحلات دي بتحتاج فلوس. وفي نفس الوقت بالليل ارجع بقى اعبد ربنا واجتهد في الطاعة والكلام ده. قال - [00:28:50](#)

ثم احتضر. يا عيني عليك يا سلمان والله. فكلمته الى من يوصي بي. توصني بمين ده كان اخر واحد ممن كان يدين بدين عيسى ابن مريم الحق. اخر واحد على الارض. فقال اي بني - [00:29:10](#)

ما اعلمه بقى على مثل ما كنا عليه من امرنا احد. انا اخر واحد على وجه الارض متمسك بالدين الصحيح دين عيسى ابن مريم. ولكن يا بني قد اظلك زمان نبي يبعث من الحرم. وده دليل - [00:29:30](#)

قيل ان النبي كان مكتوب فين؟ في الانجيل. الحق. يا بني قد اظلك زمان نبي يبعث من الحرم من الكعبة ومهاجره الى حارتين. الارض الحارة اللي هي فيها الصخور الصخور بتاعتها مدببة سوداء. من كتر تسلط الشمس - [00:29:50](#)

عليها تلاقي الصخور بتاعتها سودا اتحرقت من شدة الشمس ومدببة وده موجود في المدينة لحد الوقت. اللي راح المدينة يلاقيها بالايه؟ بين حارتين الى ارض سابقة رغم ان الصخور على اليمين وصخوره على الشمال ان الارض اللي في النص ارض طيبة صالحة للزراعة ذات نخل وان فيه علامات لا تخفى - [00:30:10](#)

اللي هيبعث ده فيه علامات لا لا تنسى لا تخفى. يبقى معروف النبي ما هيخرج منين؟ ها؟ ورايح فين؟ والعلامات بتاعته ايه بين كتفيه خاتم النبوة يأكل الهدية ولا يأكل الصدقة فان استطعت ان تخلص الى تلك البلاد فافعل - [00:30:30](#)

فانه قد اظلك زمانه. يا ابني لو تقدر تروح البلاد دي رح خلاص زمان النبي ده خلاص ده وقته. فالنبي كان معروف بمكانه بايه؟ بعلماته بمكان هجرته. قال فلما واريناه اقمنا حتى مر بي رجال - [00:30:50](#)

من تجار العرب من كلب. قبيلة اسمها قبيلة كلب. قال فقلت لهم تحملوني الى ارض العرب واعطيكم غنيماتي وبقراتي اه سبحان الله انت سهل عليك يا سلمان. ان تعب السنين اللي فاتت دي كلها. يعني انت عارف لما يكون واحد مسلا ايه ورس فلوس من ابوه مش تعبنا فيها - [00:31:10](#)

سهل جدا ان هو ايه يبقى اعتارها. فيه قصة كان فيه اب آآ اه كل يوم عايز يربي ابنه ويخليه راجل كده. فكل يوم قال له انت لازم تنزل تشتغل. الولد مرفه مدلل مش بتاع شغل. قال له كل يوم - [00:31:40](#)

لازم تنزل تشتغل. فكان الولد يقعد يعيط مش عارف ايه هو مش بتاع شغل فيروح لاهه. فامه تقول له ايه يا ابني هو مش قال لك تجيب خمسة جنيه كل يوم! انا اديك الخمسة جنيه - [00:32:00](#)

فكل يوم الواد يروح يلعب مع زمايله واخر النهار ياخذ خمسة جنيه من مامته ويروح لمين؟ لباباه. فابوه يقول له اشتغلت؟ يقول له اه. يقول له جبت فلوس؟ يقول له اه - [00:32:10](#)

يقولوا فين؟ يقول له اهي. يقوم ايه؟ يقطع الخمسة جنيه. الولد ايه؟ عادي. ثاني يوم. اشتغلت؟ اه. جبت كم خمسة جنيه فين اهي يقطعها له. ثالث يوم رابع يوم خامس يوم بيقول لامي انا عايز الخمسة جنيه. قالت له يا ابني انا ايه ما عييش خمسة جنيه. ولو ما جبش خمسة - [00:32:20](#)

ابوك يطردك. فالولد راح عمل ايه؟ طلع عينه بقى. يعني من سبعة الصبح لحد الساعة خمسة الواد مات. الراجل خمسة جنيه. خد الخمسة جنيه وقام رايح فين؟ رايح لابوه. قال له اشتغلت؟ قال له اه. قال له جبت فلوس؟ قال له اه كم خمسة جنيه؟ هاتها كده. فلسه بيعمل كده. لأ حاسب عندك - [00:32:40](#)

الا دي! يعني الا دي! ده ده يعني سلمان الفارسي ما كنتش البقر والغنم ده جاي له كده. لأ ده راجل تعب واتمرط واتبهل عشان

يجيب شوية الغنم وشوية البقر دول. سهل عليك كده ؟ من امن بفكرة سهل جدا انه يبذل من اجلها - 00:33:00

الشيخ او الداعية الى الله اللي يؤمن بفكرة ان هداية الناس امر واجب. والله تلاقيه بيوصل الليل والنهار قراءة ومذاكرة والكلام ده عشان يبجي يعلم الناس معلومة. قال فاعطيتهم اعطيتهم اياها وحملوني حتى اذا جاءوا بي - 00:33:20

الى وادي القرى ظلموني وباعوني عبدا الى رجل يهودي. يا نهار ابيض سلمان الاراضي والبنيان والمكانة والفلوس خدوا فلوسه وخدوا حاجته وظلموه وبقول ايه لواحد يهودي. على فكرة كل العقبات اللي بتقابلك في الطريق العقبات دي هي عمود من - 00:33:40
اعمدة اللي يبيني عليها بناء النجاح. هنعرف ان اليهودي ده كان هو السبب ان سلمان الفارسي وصل للفكرة اللي كان عايز يوصل لها.
قال فوالله لقد حتى اذا كنا بوادي النخل فوالله لقد رأيت النخل. اول ما شفت النخل من بعيد قال فطمعت ان يكون البلد الذي -

00:34:10

نعت لي صاحبي انا ارجو ان تكون البلد ما هم اليهود كانوا متركزين في المدينة. لان هم كانوا عارفين ان مهاجر النبي فين لارض حارة بين صخرتين آآ بين حارتين وارض سبخة. فاعلم يهود العالم في الوقت ده كانوا متركزين فين؟ عشان كده كان في يهود بنو قينقاع. يهود بنو النظير. يهود بنو قريش - 00:34:30

يهود خبير كل دول كانوا قريبين منين؟ من المدينة. بينتظروا بعسة هذا النبي. كان مكتوب في الانجيل موجود في في التوراة فوالله لما رأيت النخل طمعت ان يكون البلد الذي نعت لي صاحبي. قال فابتاعني رجل يهودي اخر من - 00:34:50
فخرج بي حتى قدمنا المدينة. فوالله ما ان رأيتها حتى عرفت نعتها. فاقمت في رقي فضلت في الرق بتاعي ده مش يوم ولا اتنين ده سنين. قال حتى بعث النبي صلى الله عليه وسلم بمكة. لا يذكر - 00:35:10

فيه شيء من امري مع ما انا فيه من الرق. طول ما انا قاعد في الرق طبعاً انا ما كنتش اعرف عنه حاجة وهو كان في مكة صلى الله عليه وسلم. حتى قدم رسول الله صلى الله عليه وسلم - 00:35:30

وانا اعمل لصاحبي في نخلة له فوق. يبقى سلمان الفارسي الفتى المدلل اللي كان قاعد في القصور وعنده اراضي وعنده فلوس. بقى عبد والعبد ده يا عيني متمرط فوق نخلة فوق عمال يلحق النخل فوق نخلة فوق خالص بيلقح بين النخل في الحر وفي في العبودية - 00:35:40

قل وانا اعمل لصاحبي في نخلة له فوالله اني لفيها اذ جاءه ابن عم له فقال يا فلان قاتل الله بني قيل. بني قيل اللي هم الاوس والخزرج يعني. قاتل الله بني قيل - 00:36:00

والله انهم لفي قباء مجتمعون على رجل جاء من مكة يزعم انه نبي اسمع سلمان فوقوا. بس وهدوا تحت. يعني هو فوق ودنه تحت. سمع الكلمة قال فوالله لقد قد اخذتني رعدة حتى ظننت اني ساسقط على صاحبي. ده انا هاقع من فوق على مين؟ على صاحبي. ونزلت اقول ما هذا الخبر؟ ما هذا - 00:36:20

الخبر قال فرفع مولاي يده فلكمني لكمة. وقال ما لك ولهذا؟ انت مالك انت؟ ما لك ولهذا؟ اقبل على عملك فقلت لا شيء انما سمعت خبرا فاحببت ان اعلمه. انا سمعت حاجة كده اتأكد. يا سعدك يا هناك خلاص؟ هو - 00:36:50

سلمان الفارسي بعد رحلات العناء من من ايران للشام لفلسطين من فلسطين الاردن من الاردن لتركيا ومن تركيا للمدينة خلاص هو هو حس ان هو بيوصل. ووصل للخبر خلاص. وتخيل شدة الفرحة اللي بيقول ايه؟ انا اخذتني رعدة. انا انا حسيت ان انا في -

00:37:10

في حاجة كهربتني كده. خدت بالك؟ قال فلما امسيت كان عندي شيء من طعام. ما هو سلمان ذكي ما هو ممكن اي حد يقول ان هو نبي. فسلمان افكر النصائح اللي كان نصحه بها اخر اسقف في عمورية - 00:37:30

لما قال له ايه ان فيه في شهره ايه خاتم النبوة وان هو بيأكل الهدية ولا يأكل الصدقة؟ فخد بالك من العلامات دي والعلامات دي لا تخفى على ايه على احد قال وكان عندي شيء من طعام فحملته وذهبت الى النبي صلى الله عليه وسلم بقاء. فقلت له بلغني انك رجل صالح - 00:37:50

وان معك اصحابا لك غرباء. وقد كان عندي شيء من الصدقة هو صدقة؟ ده ده نتيجة شغله فلوسه عادية ما فيش فيها مشكلة. وان عندي شيء من الصدقة. فرأيتكم احق من بهذه البلاد. فهاك هذا فقل منه. [00:38:10](#) يعمل ايه -
اختبار اختبار النبوة الاول. قال فامسك عنه وقال لاصحابه كلوا. فقلت في نفسي هذه خلة صفة مما اخبرني بها صاحبي. ادي اول واحدة. شوفوا الذكاء اصلا الفارسي يشوف الذكاء اصلا. فقلت هذه واحدة. ادي واحدة. ثم رجعت وتحول رسول الله الى المدينة -

[00:38:30](#)

فجمعت شيئا كان عندي ثم جئت به فقلت اني قد رأيت لا تأكل الصدقة فهذه هدية رضي الله عنه قال فاكل رسول الله صلى الله عليه وسلم واكل اصحابه فقلت خلتان ادي اتنين قال - [00:39:00](#)

قال ثم جئت رسول الله صلى الله عليه وسلم وهو يتبع جنازة وعليه شملتان. حاطط على كتافه عبايتين كده. وعليه شملتان هو في اصحابه فاستدردت انظر الى ظهره حتى اري الخاتم الذي وصف لي صاحبي. انا عايز الف كده الجنازة بقى والنبي رايح - [00:39:20](#)
في الحد من اصحابه فاكيد بقى الجنازة وساعة الجنازة انت بتشمر وتتنزل القبر فاكيد بقى هو ايه هيضع الشنتين فانا ممكن اشوف ايه خاتم النبوة فلما رأيته استدبرته عرف انني استثبت من شيء وصف لي. فالقى رداءه عن ظهره - [00:39:40](#)

فنظرت الى خاتم النبوة فعرفته فلما عرفت انكبت عليه اقبله وابكي اللحظة دي لحظة نجاح عقبات وطرق طويلة مشى فيها سلمان عشان يوصل للحظة دي والله فعلا يا بخته والله فعلا يا بخته ان اللحظة دي تبين فيها فعلا ان هو ده الرسول الحق - [00:40:00](#)
فبيقول انا ما قدرتش املك نفسي الا ان انا آآ انكبت عليه اعيط وابوسه بس. يا بخت والله والله والله يا بخته رضي الله عنها فقال لي تحول خلاص انت عرفت انت عايز ايه تحول - [00:40:30](#)

فتحولت فقصصت عليه حديثي كما حدثتك يا ابن عباس فاعجب رسول الله صلى الله عليه وسلم آآ بذلك وامر ان اخبر اصحابي او اصحابه بذلك ثم شغل سلمان بالرق حتى فاته مع رسول الله صلى الله عليه وسلم بدر واحد - [00:40:50](#)
خد آآ بسبب انه كان عبد شغلي جدا جدا على انه يكون مع النبي غزوة بدر انه يكون مع النبي صلى الله عليه وسلم في احد قال له النبي صلى الله عليه وسلم يا سلمان كاتب. دي كانت احد الوسائل لتحرير العبيد في الوقت ده. اما ان ربنا يقذف في قلب صاحب العبد نقول له انت حر - [00:41:10](#)

واما بيقول له بص انت سبني مسلا شهر اشتغل امرمط نفسي واهدي نفسي واجيب لك تمن الفلوس اللي انت دفعته في. اديني شهر واتنين بعد شهرين اجيب لك مسلا الف اجيب لك الفين اجيب لك ثلاثة. آآ اللي انت تقول لي عليه من المبلغ انا اجيبه لك وايه وخلص. وابقى ابقى حر. فقال النبي صلى الله عليه وسلم - [00:41:30](#)

كاتب يا سلمان فكاتب صاحبي على ثلاثمائة نخلة احببها له وباربعين اوقية من الذهب. ان انا احب كيلو تلتमित نخلة القح نخل واعمل له ازرع له تلتमित نخلة شكل نخل ازرع له تلتمية واربعين اوقية من الذهب - [00:41:50](#)
هقف عند النقطة دي علشان نشوف اصلا النبي صلى الله عليه وسلم هيتعامل مع واحد مدين ازاى؟ هيتعامل مع الفقير ازاى؟ اللي هو سلمان الفارسي كمل نكمل باقي قصة سلمان ان شاء الله من بعد هذه المرحلة من بعد احد. ازاى النبي اتعامل مع سلمان وسلمان هيعمل ايه؟ وهل يا ترى قصة سلمان - [00:42:10](#)

الفارسي انتهت ايمانه بالفكرة انه عايز يوصل للحق. عايز يبقى للدين الصحيح. عايز يبقى انسان متدين ويبقى انسان صالح. هتنتهي انه اكب على النبي صلى الله عليه وسلم يقبله باسه وقعد يعيط ولا لسة القصة لها تكلمة؟ طبعا يقينا القصة لها تكلمة لان ايمانه بالفكرة صدقني لن - [00:42:30](#)

ينتهي الا بالوصول الى دار الحق اللي هي الجنة. وهنعرف هنعرف ان الجنة ما اشتاقت الا لثلاثة منهم سلمان مش سلمان اللي اشتاق للجنة. على فكرة انا ما غلطتش. احنا كلنا اشتقنا للجنة. ولكن - [00:42:50](#)
مين ان الجنة اشتقت له؟ واحد منهم سلمان. هنعرف ان شاء الله ازاى يوصل للمرحلة دي؟ ازاى يوصل لمرحلة النبي يقول سلمان منا للبيت ازاى يوصل لمرحلة ان النبي صلى الله عليه وسلم يقول فيه الحديث ده اللي هنختم به النبي صلى الله عليه وسلم لما شاف

[الرحلات الطويلة لسلمان شرقا - 00:43:10](#)

وغربا شمالا وجنوبا الظلم اللي اتظلمه سلمان ان سلمان اتباع عبد ان سلمان ضحى بالمال وبالثراء وبالجاه ان سلمان ضحى بكل ده
علشان يوصل الحق يوصل للدين الصح ان سلمان يبقى انسان كويس مع ربنا هيكفي سلمان بس ان النبي صلى الله عليه وسلم قال
والله لو كان الايمان عند الثريا - [00:43:30](#)

لنا له رجال من فارس ثم ضرب النبي على قدر سلمان وقال منهم هذا؟ المسألة مش مسألة انه ينتقل من ايران للشام او من الشام
للعراق او من العراق للاردن او من الاردن لتركيا او من تركيا ييجي المدينة ويتباع عبد لا لا لا ده الايمان ده مش لو كان في الارض -
[00:43:50](#)

كمان ده لو كان في الثريا في اعلى نجم من نجوم السماء سلمان الفارسي كان هيطلع يجيبه من فوق. شف متخيل لو كان الايمان عند
الثريا لناله رجال من فارس منهم هذا سلمان الفارسي انموذج للواحد اللي عايز الحق هيوصل له يعني هيوصل له. السؤال -

[00:44:10](#)

وابو سلمان فين؟ سلمان ما حنش للفلوس اللي كان لانه الوريث الوحيد لابوه. ما حنش للفلوس دي ما فيش في يوم من الايام آآ حن
للراحة والاكل الكويس والرفاهية. ما حنش العبيد والجواري اللي كانوا بيهووا عليه - [00:44:30](#)

الحق حق عزيز. الحق عزيز. اعظم شيء تبذل من اجله دينك احنا بس هنقف هنا وقفة عشان نكمل باذن الله تبارك وتعالى بكرة في
درسنا ما يتعلق بسلمان رضي الله عنه وفضائل سلمان - [00:44:50](#)

ومواقف سلمان وليه الجنة اشتاق لسلمان وده سؤال انا اطرحه عليكم يكون حاجة بسيطة كده لكم لحد ما نتقابل بكرة ليه الجنة
اشتاقت لسلمان؟ دور بقى. ماشي كده؟ نكتفي ان شاء - [00:45:10](#)

ان شاء الله بهذا القدر صلى الله على نبينا محمد وعلى اله وصحبه وسلم - [00:45:31](#)